



REPUBLIKA E SHQIPËRISË  
AUTORITETI I KONKURENCËS  
KOMISIONI I KONKURENCËS

VENDIM

Nr. 834, Datë 23.09.2021

“ MBI AUTORIZIMIN E PËRQENDRIMIT TË REALIZUAR NËPËRMJET PËRFTIMIT TË KONTROLLIT TË SHOQËRISË GRUPPO SERVIZI ASSOCIATI S.P.A NGA SHOQËRIA EURIZON CAPITAL SGR S.P.A”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar
Z. Denar BIBA	Anëtar

Në mbledhjen e tij të datës 23.09.2021, shqyrtoi çështjen me:

**Objekti:** Autorizimi i përqendrimit të realizuar nëpërmjet përfthimit të kontrollit të shoqërisë Gruppo Servizi Associati S.p.A nga shoqëria Eurizon Capital SGR S.p.A.

**Baza Ligjore:** Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”, i ndryshuar; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

**Komisioni i Konkurrencës**, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve mbi njoftimin e përqendrimit të realizuar nëpërmjet përfthimit të kontrollit të shoqërisë Gruppo Servizi Associati S.p.A nga shoqëria Eurizon Capital SGR S.p.A.

**VËREN SE :**

**Transaksioni dhe procedura**

Pranë Autoritetit të Konkurrencës është depozituar njoftimi mbi përfthimin e kontrollit të shoqërisë Gruppo Servizi Associati S.p.A nga shoqëria Eurizon Capital SGR S.p.A.

Referuar “Kontratës së Shitblerjes së Aksioneve” të nënshkruar në datë 26 maj 2021 dhe “Marrëveshjes së Aksionarëve” nënshkruar në datë 08 korrik 2021, palët janë:

**Blerësi:** Pramerica SGR S.p.A, një shoqëri aksionare, e cila ofron konsulencë në aktivitetin e drejtimit dhe të bashkërendimit të Grupo Bancario Intesa Sanpaolo. Nga data 1 korrik 2021, Pramerica SGR S.p.A është përthithur nga shoqëria Eurizon Capital SGR S.p.A.

Eurizon Capital SGR S.p.A është një shoqëri aksionare me një ortak të vetëm, e cila merret me investime, me tjetërsime dhe me negocime të drejtave që kanë të bëjnë me titujt, merret me lëshimin dhe asgjësimin e certifikatave të pjesëmarrjes etj. Eurizon Capital SGR S.p.A është një shoqëri e Divizionit të Menaxhimit të Aseteve të Intesa SanPaolo Group dhe një filial i kontrolluar drejtpërdrejt nga Intesa Sanpaolo S.p.A.

Grupi Intesa Sanpaolo është i pranishëm në Shqipëri, nëpërmjet filialit të zotëruar tërësisht prej tij, Intesa Sanpaolo Bank Albania SHA, shoqëri aksionare me objekt aktiviteti ofrimin e veprimtarive bankare, veprimtarive financiare dhe veprimtarinë e kasave të sigurimit.

**Shitësi:** Aurora Quattro S.p.A., shoqëri aksionare, e themeluar dhe ekzistuese sipas legjislacionit të Republikës së Italisë, me aktivitet kryesor: shoqëri me pjesëmarrje aktivitete importi dhe eksporti, kontratë me rrjetin etj. Aurora Quattro S.p.A. zotërohet nga [...], [...] dhe nga z.[...].

**Palë pjesëmarrëse:** Al.Pe.Ivest S.p.A është një shoqëri aksionare, e themeluar dhe ekzistuese sipas legjislacionit të Republikës së Italisë, me objekt aktiviteti kryesor: aktivitete të shoqërive të kontrolluara të angazhuara në aktivitetet e menaxhimit, aktivitete importi dhe eksporti, kontratë me rrjetin etj.

**Target:** Gruppo Servizi Associati S.p.A (GSA) është një shoqëri aksionare, aktive në ofrimin e shërbimeve të menaxhimit të infrastrukturave dhe shërbimeve të sigurisë dhe parandalimit të zjarrit për fusha të ndryshme në sektorin privat dhe publik.

GSA S.p.A. nuk është aktiv në Shqipëri.

Më datë 30 qershor 2021, shoqëritë Pramerica SGR S.p.A, Aurora Quattro S.p.A dhe Al.Pe.Ivest S.p.A kanë nënshkruar “Kontratë Shitblerje Aksionesh”, në lidhje me shit-blerjen e të gjithë kapitalit aksionar të shoqërisë GSA S.p.A. Në bazë të kushteve të kësaj kontrate, shitësi Aurora Quattro S.p.A do të shesë aksionet tek blerësi Pramerica SGR S.p.A, (tashmë e përthithur nga Eurizon Capital SGR S.p.A), përmes shoqërisë që do të krijohet posaçërisht për këtë qëllim [...] S.p.A., e cila do të blejë ekskluzivisht të gjitha aksionet, që përfaqësojnë të gjithë kapitalin aksionar të targetit GSA S.p.A. Aksionet e shoqërisë Eurizon Capital SGR S.p.A do të kontrollohen në [...] nëpërmjet një shoqërie të re italiane të quajtur [...].

Më datë 08 korrik 2021, palët [...], Al.Pe.Ivest S.p.A, [...] dhe [...] kanë nënshkruar Marrëveshjen e Aksionarëve. Kjo marrëveshje rregullon të drejtat dhe detyrimet e palëve në cilësinë e tyre si ortakë zotërues të aksioneve të shumicës ose të pakicave në [...] dhe GSA S.p.A.

Pas përfundimit të transaksionit, [...] do të zotërojë 100% të aksioneve të GSA S.p.A. Eurizon Capital SGR S.p.A zotëron shumicën e aksioneve në [...], ndërsa aksionarët e tjerë [...] SGR S.p.A dhe Z. [...] në këmbim të pjesëmarrjes së tyre të pakicës në [...], do të ri-investojnë në [...] një pjesë të të ardhurave të targetit.

Transaksioni i propozuar konsiston në përfitim të kontrollit të shoqërisë Gruppo Servizi Associati S.p.A. nga shoqëria Eurizon Capital SGR S.p.A., i parashikuar në nenin 10 dhe 12, të ligjit nr. 9121, datë 28.07.2003 “Për mbrojtjen e konkurrencës”, i ndryshuar.

### **Vlerësimi i konkurrencës**

Referuar nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, i ndryshuar, si edhe Udhëzimit nr.76, datë 07.04.2008 “Për përcaktimin e tregut përkatës”, treg

përkatës i produktit mund të konsiderohet tregu i shitjes së produkteve për parandalimin e zjarreve, tregu i menaxhimit të objekteve duke përfshirë mbikëqyrjen dhe reagimin ndaj emergjencave nga zjarret dhe tregu për trajnim profesional dhe edukim me fokus specifik në parandalimin e zjarreve. Duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik do të konsiderohet territori i Republikës së Shqipërisë.

Transaksioni i propozuar është përftimi i kontrollit të shoqërisë Gruppo Servizi Associati S.p.A. nga shoqëria Eurizon Capital SGR S.p.A. përmes një shoqërie me qëllim të veçantë që do të themelohet për këtë qëllim [...] S.p.A., e cila do të blejë të gjithë kapitalin aksionar të Targetit.

Eurizon Capital SGR S.p.A kontrollohet nga Grupi Intesa Sanpaolo, i cili është i pranishëm në Shqipëri përmes filialit të zotëruar tërësisht prej tij Intesa Sanpaolo Bank Albania SHA, ndërmarrje që vepron në tregun e shërbimeve bankare.

Shoqëria Target Gruppo Servizi Associati S.p.A. nuk operon në Shqipëri.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

#### **PËR KËTO ARSYE:**

Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

#### **VENDOSI:**

1. Të autorizojë përqendrimin e realizuar nëpërmjet përfimit të kontrollit të shoqërisë Gruppo Servizi Associati S.p.A. nga shoqëria Eurizon Capital SGR S.p.A.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

#### **KOMISIONI I KONKURRENCËS**